

Toyloqda ikki yosh ijodkorlarning ilk kitobi taqdimoti bo'lib o'tdi

23.05.2023 - 15:59



Bugun Toyloq tumanidagi axborot kutubxona markazida tumanning so'lim go'shalarida tug'ilib-o'sgan ikki qalamkash

– olmazorlik Munisa Hamroyevaning “Orzular qanoti” hamda galabotirlik Sharof Ro‘ziboyevning “Bahor sog‘inchi” nomli kitoblari taqdimoti bo‘lib o‘tdi.

Toyloq tuman hokimligi, tuman maktabgacha ta‘lim va xalq ta‘limi bo‘limi, Yozuvchilar uyushmasi Samarqand viloyati bo‘limi, tuman axborot kutubxona markazi hamkorligida o‘tkazilgan tadbirda shoirlar Zubaydullo Ibragimov, Abdulla Nisoriy, Yodgorjon Tursunov shuningdek, tuman hokimining o‘rinbosari Jahongir Haqberdiyev, maktabgacha ta‘lim va xalq ta‘limi bo‘limi mudiri O‘. Usmonov hamda adabiyot ixlosmandlari ishtirok etishdi.





Kechada soʻzga chiqqanlar yosh ijodkorlarning oʻziga xos xislatlari, ularning sheʼrlaridagi oʻziga xoslik, tuygʻularini sodda va ravon tilda bayon eta olgani haqida fikr bildirishdi. Har ikala ijodkorning sheʼrlaridan satrlar oʻqishdi. Sheʼriyat va adabiyot olamiga qadam qoʻyayotgan Munisa va Sharofga ijodiy barkamollik tilashdi.

Tadbir davomida Sharof Roʻziboyev hamda pasdargʻomlik shoir Yodgorjon Tursunovlar oʻzbek va qozoq xalqlari

do'stligini mustahkamlashdagi xizmati munosib taqdirlandi. Ularga Qozog'iston Respublikasi "Qo'sh qanot" fondi tomonidan berilgan "Xalqlar do'stligi" ko'krak-nishoni tantanali topshirildi.





Tuman hokimligi axborot xizmati.